

四庫全書

經部

欽定四庫全書

經部

周易函書約存卷二

詳校官宗人府府丞<sub>臣</sub>寶光鼎

通政使司副使<sub>臣</sub>莫瞻菴覆勘

總校官降調編修<sub>臣</sub>倉聖脉

校對官修撰<sub>臣</sub>吳錫齡

謄錄監生<sub>臣</sub>高伯揚

欽定四庫全書

周易函書約存卷一

禮部侍郎胡煦撰

原圖

河洛

河圖篇

李本固彙編

邵子曰圓者星也歷紀之數其肇于此乎方者土也畫  
州井地之法其放于此乎蓋圓者河圖之數方者洛書  
之文故義文因之而造易禹箕叙之而作範也鮑寧天  
原發微曰天地開闢之初太極渾淪象數未顯此河圖

洛書所以開聖人也語曰河不出圖易曰河出圖洛出  
書書曰天球河圖則知圖書乃天地自然之文古今以  
為瑞物非人力之所為也後世有肆為怪誕者如顧野  
王以洛書農用敬用十八字為神龜之所負班固以初  
一至六極六十五字為洛書之本文唐孔氏曰天語簡  
要不應叮嚀曲折如是也惟孔安國之言極穩故朱子  
取之楊升庵按資治通鑑魏青龍間張掖柳谷口水湧  
寶石負圖蒼質而白理狀象靈龜立于川西有石馬鳳

鳳麒麟白虎犧牛璜玦八卦列宿之象其字可讀而不  
可曉又宋政和末于洛水出石大如拳有字兩行蓋天  
地之氣化何所不有後世怪誕者遂神其說識緯之書  
詳聖人受河圖之始以為河出天苞洛出地符河圖龍  
發洛書龜威河圖有九篇洛書有六篇聖人但言圖書  
出于河洛何嘗言龜威之兆又何嘗言九篇六篇乎是  
故有以十為洛書九為河圖如劉長民張文饒者又有  
以先天圖為河圖五行生克數為洛書戴九履一圖為

太乙下行九宮圖如將得之者有謂得圖書于青城山

隱者有謂別傳圖書于異人而九十皆河圖者有謂圖

書皆出于羲世者

當亦惑于洛書出禹之說

遂使聖人明白易簡之理多支離變怪之說矣乃訛以傳訛如鄭司農馬融之

流無不篤信之至劉牧又自為易置以九為圖十為書

託言出于希夷元人趙撝謙又為自然河圖謂蔡元定

得于蜀山隱者雖朱子亦莫之見其為詭秘大率皆一

類耳按路史野王符瑞圖云黃帝軒轅氏東巡省河過

洛沈握視將加沈璧集歷並臻皆臨諸壇河龍負圖出  
赤文象文以授命龍魚河圖云天授帝號黃龍負圖鱗  
甲光耀從河出黃帝命侍臣寫以示天下又言黃帝云  
予夢兩龍授圖乃齋往河洛求之有大魚汧流而至泛  
白圖帝跪受之而挺輔佐曰黃帝持齋七日七夜天老  
皆從以游河洛之墟至翠嬀之泉大鱸汧流而至問五  
聖莫見獨與天老迎之蘭葉朱文五色畢見沈白圖以  
授帝又云黃帝遊于河洛之間至澤鴻之泉鱸魚負圖

以授帝蘭葉命曰錄圖前河圖亦云黃帝遊洛水有鯉  
長三丈身青無鱗赤文成字故世紀云黃帝大霧三日  
帝遊洛水上見大魚三牲醮之天甚雨魚流而得圖書  
酈道元水經云堯帝修壇河洛擇良議沈率舜等升首  
山道河渚有五老遊焉相謂河圖將來告帝以期知我  
者重童也言訖五老乃翻為流星以入昴事見論語比  
考云仲尼曰吾聞帝堯率舜等游首山觀河渚有五老  
游河渚一曰河圖將來告帝期二曰河圖將來告帝謀



三曰河圖將來告帝書四曰河圖將來告帝圖五曰河圖將來告帝符有頃赤龍銜玉苞舒圖刻版題命可可卷金泥玉檢封盛書威曰知我者重童也五老乃為流星上入昴黃姚視之龍沒圖在堯等共發曰帝當樞百則禪于虞堯喟然曰咨爾舜天之厯數在爾躬允執其中四海困窮天祿永終乃以禪舜今道之營道北五里有五老人祠書中候握河紀云堯即政十七年仲月甲日至于稷沈璧于河青雲起回風搖落龍馬銜甲赤文

綠色自河而出臨壇而止吐甲回違甲似龜廣九尺有  
文言虞夏商周秦漢之事帝乃寫其文藏之東序而世  
紀言堯與羣臣沈璧于河乃為握河紀今中候是也王  
元長云握河沈璧孫氏圖瑞云帝堯即位坐河渚神龍  
赤色負圖而至備載山澤河海之形國土之分域帝舜  
祇欽相有光至于稷興榮光迭至黃龍負圖卷舒至水  
畔置舜前舜與三公大司空等三十人集發圖周公踐  
阼理政與天合志萬序咸得休氣充塞藩侯陪位至于

日昃榮光汨河青雲浮至青龍仰玄甲臨壇址濟止圖  
滯周公視王公視其文言周世之事五百之戒與秦漢  
之事故摘洛戒云青龍銜甲元龍背書者此也又中候  
云周成王舉堯舜之禮沈璧于河白雲起而青雲浮乃  
有蒼龍負圖臨河据考之亦黃帝之事耳按洪濛之世  
象數未開天牖聖衷假物垂象固多有之然豈歷代皆  
沈河洛雲興皆呈青白所云河圖乃甲錄山澤之象與  
易無涉也吳幼清曰周之時河圖與天球寶玉同藏于

王室其貴重可知秦漢以來官府既不收貯學者亦不復見觀漢志劉歆所云本孔安國蓋亦祖述相傳之辭耳未曾親見圖書之象者也後漢鄭玄註禮記則不識河圖為何物及魏何晏集註論語晉人作尚書孔傳顧命洪範兩註雖皆用孔劉之說而頗失其意蓋孔劉雖不見圖說書而謂伏羲則河圖畫八卦禹法洛書陳洪範則圖自圖書自書卦自卦範自範猶不誤認為一也若晉魏則直謂周易八卦即是河圖洪範九疇即是洛

書蓋以河出圖為龍負一片之圖洛出書為龜負一卷之書矣唐孔穎達易書禮疏宋邢昺論語疏亦然大抵周後漢初儒流專門之學率是口耳授受故凡有文辭可記誦者有傳遇無文辭不可記誦者無傳五經皆存而獨樂之一經亡三百五篇詩皆存而獨笙詩之六篇亡蓋以無文辭非可記誦故也若先天古易止有卦畫河圖洛書祇有圖象則儒家亦不傳是以漢魏晉唐宋初之儒不見圖書義易圖書不傳于儒流而方伎家藉

此竊窺造化乃秘寶之宋興異人挺生希夷先生陳搏  
圖南從方伎家得此當時有穆修种放遊其門故穆得  
其古易种得其圖書穆傳李之才再傳而至邵雍种傳  
李溉許堅范諤昌四傳而至劉牧邵子得圖書蓋亦穆  
所傳也其洞澈蘊奧蔑以加矣劉亦發揮圖書有易象  
鈎隱圖然邵以十為河圖九為洛書而劉則以九為河  
圖十為洛書蓋其初所傳但得二圖不曾分別何者為  
圖何者為書是致混淆而不免差互非劉之罪也當時

有阮逸者作闕子明易阮與穆种同時人蓋因二家而得見圖書之象故云然歐陽修亦阮同時而未及見蓋當時所傳未廣也是以歐陽與臨川王氏文人巨擘而皆不見圖書歐陽直以二卦為河圖不信有洛書並疑繫辭非孔子所作王氏雖不以為無而其說圖書皆以意懸空立言至乾道淳熙間朱子始推尊邵子之學然當時信從者寡亦未盛行于世也觀鮑吳諸說及啟蒙歷引孔安國劉歆邵子戴禮之言則河圖十而洛書九


萬世有定論矣

照按仍以洛書為作範之具甚非

古河圖



古洛書



旋毛龜折志古也

此鄭氏通志所定



河圖洛書出必同時蓋此二圖相湏而互顯其理無洛書之分無以顯河圖之合無河圖之合亦無以顯洛書之分故二圖不可缺一若使伏羲止見河圖恐徇齊天縱亦必無以測河圖之蘊而創為卦圖然而孔子固曰河出圖洛出書聖人則之是則河圖洛書當伏羲時已並行而不悖矣特河圖體而洛書用當河圖先而洛書後耳

王氏無異曰陽自後而生徃前為順一三八而為主六

八環于外而從之陰自前而生來後為逆二四入而為主七九環于外而從之一三自後而生往為順者陽中之陽七九自前而生往後為逆者陽中之陰二四自前而生來後為逆者陰中之陰六八自後而生往前為順者陰中之陽一奇一偶從先至後各順其序如兄弟然一生一成從內至外各有其別如夫婦然照按此亦從合處看出道理亦知陰陽各有逆順第以在左者皆為順在右者皆為逆遂不得不以陽為順來陰為逆來

則未知陰陽之生其來皆為逆其往皆為順也故用以  
解易合于此則不合于彼矣必先立身于中逆遯從前  
之來處知為逆來順推此後之所往自知為順往凡係  
說彖傳之往來莫不如是皆是為圖言也其曰陽中之  
陽亦當曰陰中之陽其曰陰中之陰亦當曰陽中之陰  
必如此然後知天根月窟之義與根陰根陽之說直以  
東南為陽西北為陰而不知通變之義其言未當



河圖陽動陰靜圖

三 五 七  
五 十 六  
八 九

照按此  
之數自  
天位而  
起以左  
旋而定

七 二  
五 十  
八 三  
一 六

照按此河圖之  
數也此之陽數  
皆對換故曰動  
陰則仍其本數  
故不動也

河圖陽靜陰動圖

七 六  
五 十  
八 九  
四 三

照按此  
之數自  
地位而  
起亦以  
左旋而  
定

七 二  
五 十  
八 三  
一 六

照按此亦河圖  
之數也此之陰  
數皆對換故曰  
動陽則仍其本  
數故靜也

洛書陽動陰靜圖

三

二

六

一

五

九

四

七

八

洛書陽靜陰動圖

七

八

四

九

五

一

六

三

二

照按此之數自天之降下而論故其下圖陽數之出于天者皆對換也

七

二

六

九

五

一

四

三

八

照按此洛書之數也此亦看圖之法比之龍圖序勝速矣

二

七

六

九

五

一

四

三

八

照按此之數自地之升上而論故其下圖陰數之出于地者皆對換也

照按此亦洛書之數也

大傳言河圖曰一二曰三四曰五六曰七八曰九十則  
是以兩相從也大戴禮言洛書曰二九四曰七五三曰  
六一八則是以三相從也是故原河圖之初則有一便  
有二有三便有四至五而居中有六便有七有八便有  
九至十而又居中順而布之以成五位者也原洛書之  
初則有一二三便有四五六有四五六便有七八九層  
而列之以成四方者也若以陽動陰靜而論則數起於  
上煦曰陽德自上而下行者也故河圖之一二本在上也三四本在

右也六七本在下也八九本在左也洛書之一二三四五六七八九本自上而下也於是陽數動而交易陰數靜而不遷則成河圖洛書之位矣如以陽靜陰動而論則數起于下

煦曰陰道自下而上行者也

故河圖之一二本在下也

三四本在左也六七本在上也八九本在右也洛書之一二三四五六七八九本自下而上也於是陽數靜而不遷陰數動而交易則又成河圖洛書之位矣蓋其以兩相從者如有天則有地也有君則有臣也有夫則有



婦也以三相從者如有天地則有人也有君臣則有民  
也有父母則有子也陽動而陰靜者如乾君而坤藏也  
君命而臣從也夫行而婦順也自上而下以用而言者  
也陽靜陰動者如乾主而坤役也君逸而臣勞也父安  
居而子勤職也自內而外以體而言者也同本相從以  
成合一之功動靜相資以播生成之化造化人事之妙  
窮于此矣先後天圖象之精蘊莫不於此乎出也


邵

子

小

衍


十五是參五也  
一切卦象總用  
四周之四十




道家曰古河圖

天地之數盡於十五以五乘十  
十乘五皆大衍也故全圖皆太  
極而不礙以中之十五為極又  
以中五為極又以中五之一為  
極一又有旋毛之中則圖皆  
有太極之正中明矣照按此圖  
十五是太陰太陽九六之合亦  
少陰少陽七八之合也是一圖  
而四象全矣特少靜而老動故  
易有用九用六之說用則陰陽  
太少分矣故用九則不用六用  
六則不用九此圖即三五之義  
觀後圖自明

五生數即此十五點




三五分之即五行生數中一  
五原不動而四行乃二五所  
分也四象顯矣煦按中之成  
數十即四方二五之合也四  
方生數之二五即中十數之  
分也是體用一如之妙也





有陽即有陰微固交計而顯  
亦各分也冬春陰在外陽在  
內夏秋陽在外陰在內照按  
四時之理原是如此特不留  
心看圖便不解圖中之妙

二得中五為七



五加中五為十

三得中五為八




四得中五為九

一得中五為六



陰陽既配各以中五加之  
即各具五行之成數  
密行之圖最得看圖之法  
皆須上下連貫看之蓋聖  
人之圖拆之合之皆有妙  
義存焉凡看諸圖皆當如  
此所加之五在東北則加  
陰宜配陰而數之在西南  
則加陽宜配陽而數之






照按老陽謂乾兌老陰謂  
 艮坤也少陰謂離震少陽  
 謂坎巽也此先天圖自具  
 之老少也因以河圖之數  
 分為老少故遂以河圖之  
 數分配卦象然數則是而  
 配卦則非此當與下圖合  
 觀之然皆各有是非

全書所說

呂中石說

韓范  
洛說

何元  
子說



先儒謂虛其中之五與十太極象也四周奇數二十偶

數二十兩儀象也中五四布即四象本位也北為太陽

生位東為少陽行位

照按此即陽生于北陰由左上行之義

南為太陰生

位西為少陰行位

照按此即陰生于南陽由右下行之義

正對者也化用

則東南用少西北用太細分之則一二三四四象用位

也六七八九四象用數也以用位言老陽一少陰二少

陽三老陰四以用數言老陰六少陽七少陰八老陽九

照按此解二層呂中石之說以伏羲八卦論

在圖則一六共宗而太陽又居



北一連西九矣二七為朋而少陰又居南二連東八矣  
三八同道而少陽又居東三連南七矣四九為友而太  
陰又居西四連北六矣所謂二老二少互藏其宅也

按

此解韓范洛之說以河圖論也

用位與本位亦互藏也冬春合歲限夏

秋合歲中與東南合氣闢西北合氣翕亦互藏也卦分  
如上諸列各有所取

煦按宗朋道友乃漢儒揚子之說此河圖之數用以  
分陰陽太少猶之可也諸說叅以八卦則誤矣八卦

者則圖畫出者也

又按河洛二圖一六三八不易而二七四九獨易者  
一二三四五生數也物之生也日動而出陽多陰少  
則陽包乎陰故陰亦從陽以運物之成也具體而靜  
陰多陽少則陰包乎陽故陽亦偕陰而住二四之必  
易者生數之陰從陽而易也七九之必易者成數之  
陽從陰而易也又南為火位二七之數居之火能鎔  
物鎔則必合故鎔二七而為九西為金位九數居之

金能斷物斷則必分故斷九而為二七此後天不同  
于先天之故也






河洛析說

朱升定

朱升曰一數至十環列為圖平衡取而八宮交午相對  
則書也交五取而五位內位相合則圖也圓方贏縮相  
與為用原出於此煦按龍圖序中五五六六之圖亦是  
既有河圖之後用以解釋河圖而已與此下諸圖所列  
者同義乃神其說者遂以為未合之河圖誤矣龍圖序

無裨于易今不錄


凡圖中言數不合易理者皆不錄



八宮  
交對  
為洛  
書

煦曰凡數無論多寡但定其中而環之其左右對待  
莫不相同李文利以三十九與九十對列而左右對  
取莫非一百二十九數即此義也今試以此圖斜取  
之如五六為十一則四七亦十一三八亦十一二九  
亦十一而十與一亦為十一又試以四五為九則三  
六亦九二七亦九一八亦九十九除十亦九也如以  
三四為七則二五亦七一六亦七十七除十亦七八  
九除十亦七也今試二三并列則左右除十皆五今

試以一二并列則左右除十皆三今試以三八中立  
則左右除十皆六今試以一六中立則左右皆十二  
今試以二七中立則左右皆四今試以四九中立則  
左右皆八





幼清曰乾正五坤正十則雷風以氣附天山澤以形附  
地水火以質居天地間又父上母下男女順序列於左  
右法象尤著

邵子曰一屬艮坎二屬離兌三屬坎  
震四屬巽離五屬乾六屬巽七屬震  
乾八屬兌坤九屬艮十屬坤此以一  
卦為五分八卦四十分當十數數得  
四分乾統三男占五陽數於左三女  
從坤占五陰數於右陽數中于五陰  
數中于六故在上陽數究於九陰數  
究於十故在下一附九合十於左下  
四附六合十于右上三與七合十而  
左升二與八合十而右降莫非自然




# 以上七圖朱升所定







潛老曰書數飛宮亦循環也禹步者  
秘傳八十一變其本此乎三合相用  
亦本此也人不知耳又曰洛書一九  
相貫直極相交數亦居其首尾數一  
至中五則三為中數五至九則七居  
中故三七為平用之輪四六者陰陽  
之正界六八者入用之方體也

申子辰之三合  
即攝亥卯未之  
三合  
以中連四五六  
為十五乘六為  
通期四分之一



寅午戌之三合  
即攝巳酉丑之  
三合  
以中連四五六  
為十五乘二十  
四為通期




詳見參兩

關子明以一四七  
共十二為天二五  
八共十五為地三  
六九共十八為人


四四四三	四四四四	四二四七	九四九三	九九九五	九二九七	二四二三	二九二五	二二二七
四三三八	四三三八	四三三八	四三三八	四三三八	四三三八	四三三八	四三三八	四三三八
四三三八	四三三八	四三三八	四三三八	四三三八	四三三八	四三三八	四三三八	四三三八
四三三八	四三三八	四三三八	四三三八	四三三八	四三三八	四三三八	四三三八	四三三八
四三三八	四三三八	四三三八	四三三八	四三三八	四三三八	四三三八	四三三八	四三三八
四三三八	四三三八	四三三八	四三三八	四三三八	四三三八	四三三八	四三三八	四三三八
四三三八	四三三八	四三三八	四三三八	四三三八	四三三八	四三三八	四三三八	四三三八
四三三八	四三三八	四三三八	四三三八	四三三八	四三三八	四三三八	四三三八	四三三八
四三三八	四三三八	四三三八	四三三八	四三三八	四三三八	四三三八	四三三八	四三三八
四三三八	四三三八	四三三八	四三三八	四三三八	四三三八	四三三八	四三三八	四三三八

此即洛書之數每一段又各加一洛書

潛老曰方分則九交道十六此方分  
八十一而交道則百也開方開立半  
圭三角皆本於此乘除之纂積之各  
有取用正曰衷五之文八十一游五  
之文七十二環五為文五百七十六  
以五衷之有正矩反矩隅夾反夾正  
股反股間勾反勾圭泰圓各類也周  
禮玉兆如四正十五或周環十五方  
圭圓璧之文原兆如方田步弓通五  
曲直遠近周髀之法瓦兆如一五六  
六五一一六五五六一之類以此三  
兆審御九疇不用灼而文燦然故以  
五行而辨福極以庶徵而証五事以  
五紀而省三德以稽疑而定八政亦  
此意也




參天一而  
三而九而  
二十七而  
八十一而  
萬無出一  
三七九者  
左旋也



兩地二而四而  
八而十六而三  
十二而六十四  
千萬無出二十四  
六八者右旋也  
上圖時論纂

# 河圖天地交圖



一三七一  
九陽也  
天之象  
也二四  
六八陰  
也地之  
象也即  
奇偶位  
次而天  
地之交  
見矣

# 洛書日月交圖



一三陽也  
 九之象也  
 日之二四  
 也八陰  
 六月之  
 也月即  
 象也  
 奇偶位  
 次而日  
 月之交  
 見矣

照按前圖初生之陽在內震之一陽在北內所以為  
天根初生之陰在內巽之一陰在南內所以為月窟  
不從數之散布處著眼而在氣之聯貫處著眼是真  
通易理者變天地而言日月河圖則天地定位之象  
是先天也日月則坎離正位之象是後天也

洛書右轉相克者其義也隨其右轉而相生者其數也  
何也中數五而四方各十總之凡四十有五知五九之  
變莫不由中五以為之主也是以數起於一而中五合

一為六故次六一六為七故次七五與七合為十二故  
次二七二為九故次九五與九合為十四故次四九四  
十三故次三五與三合為八故次八八與三合為十一  
故次一八與一合亦歸於九也孰謂其數之次序無義

於其間哉

煦曰凡四隅之數皆以中五配之而生則中五之大用可知

況其數始於

一終於九一居正北九居正南一三五成九而五則九  
之中也合一二三四生九七八六是九七八六皆生於  
九所以一九生九二九生八三九生七四九生六六九



生四七九生三八九生二九九生一自一生九自九生  
一其變不可勝窮潛老曰合八一六七為二十二除二  
十得西南二合六七二九為二十四除二十得東南四  
合二九四三為十八除十得東南八合四三八一為十  
六除十得西北六又有妙義存焉照曰此四隅之偶一  
數又一生法也  
二三與七八九三合也而四五六穿亥巳以中三乘兩  
頭象限周期天巧哉

照曰一法以七數乘其奇七者少陽之成數也如一


七如七故七位於西七七四十九故九位於南七九  
六十三故三位於東三七二十一故一位於北皆右  
轉如以三數乘其奇三者少陰之生數也如一三如  
三則三位於東三三如九故九位於南三九二十七  
故七位於西三七二十一故一位於北皆左轉陰陽  
之理互相為用因其數為陽而又用少陽之成數轉  
之故右轉而循陰之道以濟其陽其數為陽而又欲  
其左轉而從陽故用三之一數而從少陰之生數以

濟其陽如以三數乘其偶三者少陰之生數也如二  
居於西南矣二三如六故六居於西北三六一十八  
故八居於東北三八二十四故四居於東南皆左轉  
如以七數乘其偶七者少陽之成數也如一二如二  
居於西南二七一十四故四居東南四七二十八故  
八居東北七八五十六故六居西北六七四十二故  
二居西南皆右轉其數為陰而又用少陰之生數轉  
之故左轉而循陽之道以濟其陰其數為陰而又欲

其右轉而從陰故用七之一數而從少陽之成數以  
濟其陰是二轉者從少陽之成數者皆順從少陰之  
生數者皆逆也其必用三七轉之者以一無可乘九  
又老陽之極數五又居中而不用故用其三與七也  
又有以二轉者陰數則逆轉也

以八轉者陽  
數則順轉也

一  
二  
三  
四  
五  
六  
七  
八  
九  
十



九  
八  
七  
六  
五  
四  
三  
二  
一

照曰右為河圖之合數左為洛書之合數合之為百  
數折半五十此大衍之數所由兼圖書之數也河洛  
之數原不可離故大衍之數合用之

巽

終 離

坤

震


兌

艮

坎 始

乾

周易圖說



此圖傳為洞庭老人授起自北坎一至西南坤二東震三東南巽四中五西北乾六西兌七東北艮八南離九符洛書之義其始終經營匪夷所思亦異矣皇極老人圖即洛書符也縱橫皆十九行應一至九之數序礪菴取之以圖聲

此以一二三四之數為次第惟九五一三數每格占二行

以上所列諸圖皆所以解釋圖書者也故附于圖書



之後

生成之數

玩河圖者須向合處留神其以在內為生數者謂其中包羅含蓄不可限量後此無窮作用隨所成就者皆由此生故以成數附于其外外則事體既成可見之象也然必附于生數而兩不相離明事物所成其始必各涵有生機保合太和正由此義出也夫成似非先天所有而河圖有之明能成之理即具生理中人心已發之和

即中而具是其象也乃生數各隨成數而附之者謂無一事之成不即此生機而具即天向一中生造化萬物各具一太極之象總以見能成之妙即能生之理所由該能生之機即能成之用所由著故以為先天若在既成後則成之象著而生之機隱矣故洛書之象成數既徧布于四正四隅而生數亦遂散處焉由其生成合聚故命為先天由其生成散處故命為後天

理數

理不緣數而存數必依理而住若言數而不本諸理則河圖洛書如是之數要他何用若謂言理而必徵于數則伏羲先天四圖則倣圖書何嘗有數可言蓋理則合微顯而無間數則有及有不及故文周擬爻之法至於始終兩爻遂命為初上而不以數紀是數所不及而理之最靈最妙處也

中具太極

生成之總數俱歸于中而五中一點則太極之象奇偶

兩殊則兩儀之象生成合于四方則四象之象分四方而仍各具有生成則八卦重卦之象生成既合而四方與中各為奇數無偶數者以陰從陽周易之所以貴陽也貴陽云者以數始於一奇自一至十凡皆一奇所衍此即物物各具太極之象逮至于十而復還為一所以有大明終始之說謂陽無尾者誤也

看數之法

龍馬一圖即數而象存即象而理存數則一三五七九

二四六八十止耳象則有奇偶有連斷有内外有分合有微盛有始終有上下有逆順有左右有形氣莫不各有實理存焉此太極兩儀八卦之所由定也詳註于後

奇偶

奇者數之自行者也偶者數之並行者也陰陽之別即分于此

連斷

連者一三七九之相因二四六八十之相因也斷者一

九為四六所間二八為三七所間其升降上下内外止有三等如一北七南而三則居中二南六北而四則居中又如一始九終而七之盛者居中二始八終而六之盛者居中是也故卦畫止于三重卦止于六而不得增也

内外

内者一三初生之陽二四初生之陰皆内也外者七九已盛之陽六八已盛之陰皆外也内外别而初上分重

卦立矣凡初生之陰陽未有不由中出自内生者天地之造化與人心之寂感莫不如是全部周易所發明者亦止是內外渾融之機耳

### 分合

分者一不與六同數不與二同位是也又奇與奇連偶與偶連絕無混雜皆分象也合者一與六同位二與七同位是也知分之義而內外上下不必從同卦爻所由有應與知合之義而父母六子不嫌並域而居所由有

先天未斷之圖也然生數始于一至五而復歸于中成數始于六至十而復歸于中所謂天向一中生造化河圖之謂先天以始之終之皆相涵而渾合者也不以初生之奇偶由中而起而以垂盡之奇偶建中而居是循環不息之理貞下起元之義也初生之陽涵于盛陰之內初生之陰藏于盛陽之內是陰陽之互根亦莫非循環之奧也

微盛



微者一三二四之方始盛者七九八六之就終也故初上相覆遂分離卦之性情

始終

陽始一而終九故謂陽無尾陰始二而終十故謂陰無首乾始坤終即是此義然始而終終而始其在圖中生成之數既終而復歸于中定乎始生之位是徹始徹終相連無間之義也又始一終九則五為天之中數始二終十則六為地之中數因五六為天地之中數故五音

六律五子六甲以及五日為一候六候為一月莫非五  
六之充也夫五之居中固為中數六之居北何亦謂為  
中數也蓋天地之體北內而南外北辰正位而不動中  
故也一生于六中復之一陽生于坤中其在易曰七日  
來復復見天地之心心即中也

上下

上則奇之外盛而二偶生于其中下則偶之外盛而一  
奇生于其中先天圖天地定位而陰陽之初生均由中

出即其象也

順逆

陽以上而下為順以下而上為逆陰以下而上為順以  
上而下為逆其位使之然也故曰天地定位不可誤解  
說卦傳

左右

何謂左右陽從陽位升陰從陰位降造化之理並行而  
不悖者也太極初生而陰陽兩象悉已全具即其象也

左陽位也故陽生于此右陰位也故陰降于此其在先天圖初畫之陽皆左升若陰而居左則就消而終矣初畫之陰皆右降若陽而居右則就消而終矣

形氣

一二三四五氣之生也六七八九十形之成也生者在內而握機成者在外而具體方圖之震巽內而艮兌外雷風氣也山澤形也雷風為陰陽之始故以氣用山澤為陰陽之終故以形成然形氣受能於天地故天地又

包形氣之外此義全具先天之方圖夫萬物莫不生于氣而成于形迨形之既成莫不氣中而形外即一水二火三木四金五土一水初生于內者也五土形成于外者也水火亦以氣生土金亦以形成木居五者之中故形氣兼之曲直者形漸長漸大則氣也

左陽右陰

左陽也而仍有就消之陰行于其中右陰也而仍有就消之陽行于其中極盛而就消則不能以自主故左之

陰則為陽所麗右之陽則為陰所陷陰陽互根之義即顯于此觀坎離二象可知

左旋

左為陽位則陽之自左而旋固也乃陰之旋也亦隨陽而左而無有逆焉者此坤德之所以為順也有用九无首之吉而坤德遂代終而无成皆由此圖出也

三百八十四

以河圖之全數各自乘之惟一無可乘故除之以象太

極若一一如一是也自二而二之以至十而十之共得三百八十四聖人重卦止于八八所以止有三百八十四爻是生成之全數具足者也

一連二斷參天兩地

一無匹者也故尊為太極太極之蘊不逐漸而出則無化育繼一者二故以二配之而陰陽于此肇矣聖人取一無間斷之義而畫一奇之陽取二有兩開之形而畫一偶之陰此即乾坤兩畫所由始也陰陽立而無窮之

造化生矣過此以往一與二合而為三此即陰陽既交而五行之全數皆由此出故三之為用至廣以在陰陽方交之始時有三候位有三等卦有三爻爻有三極皆謂陰陽之交也一二合而為三二三合而為五參天兩地之義具焉三者奇其奇四者偶其偶皆包于二三之中皆參兩也作圍徑說者非也故五行之全數在河圖止于奇偶達其原則陰陽而已矣

河圖奇而洛書偶



河圖相合皆成奇數洛書相對皆成偶數故圖為先天是流行之氣書為後天是對待之形謂河圖對待洛書流行者非

陽包陰

九大六小六不及九者半明陽包乎陰天包乎地也如三分之九三奇六兩奇皆貴陽之義也

大太極小太極

有體統之太極有流行之太極一為太極數之元也一

加一而成二二加一而成三三加一而成四四加一而成五莫非此一之流行此體統一太極之象也五者五其一四者四其一三者三其一二者二其一則流行之太極萬物各具一太極之象也聖人則之所以有太極之說

九陽

陽數極於九故先天卦中對待莫非九數如乾一坤八離三坎六之類是也易之陽爻稱九乾卦之用九皆由

此出

九六皆成數

用九用六舉成數而不及生數以生數屬氣無形可見成數屬形始可辨別此如蓍之用數皆屬有形即于其中察所蘊之神理是也然九為一三五之合六為二四之合明九六雖為成數莫非生數之所生矣

二五

五生數皆本於中五故四生數遂得與中之十五相近

而要皆中十之四分中五之兩分者也故四與一合為一五三與二合為一五而四一與二三又復合為一十而歸于中四一一五二三一五故曰中五之兩分四一與二三合而成十故曰中十之四分然自其來而論則在中之五十悉出而為四方生成之數自其返于中而論則在中之五十皆四方生成之數返而凝聚者也要止是三五之合所以謂為參伍以變三五者九六之合九六者三五之分故周易之爻遂專以九六言

河圖加一倍法

由中之五而十數包于其外以五加十此加一倍者也  
由一二三四之生數而外加六七八九之成數以十而  
加二十此又加一倍者也由在中之十五而外加生數  
之十成數之二十以十五而加三十此又加一倍者也  
五十者靜鎮于中而不動河圖之太極也生也者幾之  
將動者也成也者數之已極者也由中而生而成每一  
加而外出此聖人畫卦用加一倍法悉由河圖出也由

中而生而成凡有三等聖人畫卦特立三爻悉由河圖出也非直此也今觀數之所行由一而二而三莫非加一倍而得焉者也然每加一數而遂各異其數各異其性所以聖人畫卦每加一爻而遂各異其象各異其理也不知河圖本具畫卦之理徒以拆補言之自悞而悞人非知河圖者也

王宏撰曰歐陽氏不信河圖洛書蘇東坡云著于易見于論語不可誣也曾南豐云以非所習見則果于以為

不然是以天地萬物之變為可盡于耳目之所及亦可  
謂過矣則其不信非也照按河圖洛書均為則以畫卦  
之資此萬萬不可移易者也若并以圖書為怪妄則謬  
矣汴水趙氏亦以圖書為後人所作而特取其數有妙  
理其說與歐陽氏又別謹按求叔不信者非也即信而  
不知其為畫卦之資亦非也必謂庖犧氏之王天下也  
一段天地鳥獸人物皆舉之矣而獨不舉及河圖遂謂  
圖書為怪妄然則河出圖洛出書聖人則之之說與論

語河不出圖之說非孔子之言乎當知則之為義是尊敬而規倣之不敢走作絲毫之意至于仰觀俯察與鳥獸人物又是畫卦之時懼其與天地人物之理但有纖毫違忤便不足以發天地之秘便不足以傳聖人之心便不足以冒天下之道是皆推本河圖而又博以考之以為卦畫之印證者也如使不博以證之則即此一段中仰而觀象於天用以畫卦其亦可矣不則俯而觀法于地用以畫卦其亦可矣顧必上下俯仰鳥獸人物瑣



瑣而不憚煩也豈極精極微如河圖乃反棄焉如遺而固不欲取則于茲耶如但執仰觀一段萬一合于天文而不合于地宜合于地宜而不合于人物又何能則以畫卦乎且天地鳥獸人物皆可則矣又何獨遺河洛乎凡皆未明畫卦之理即圖而具耳明明聖人之言見于兩處則圖之說特舉而標之俯仰一段詳舉而證之乃信其詳舉者為是略其特標者為非然則孔子之言仁亦嘗不一其說矣執克復之一說不將以敬恕之說為

非乎又況河圖之數見于繫傳言之已詳孤執一見以  
為無是則是孔子傳中之語尚未能一一打透恐非真  
能解易者也總緣圖書未得真解不能與周易打通遂  
使人人向數上留心便稱得解又其甚者拆而補之求  
合乎先天之卦是則昧先後之序失先天之旨真怪妄  
不經無一語切當易理矣豈知河圖本屬先天其妙全  
在合處伏羲所畫之圖全由河圖中揣摩鑽研而出照  
前所釋亦庶于河圖所蘊則圖之妙發洩殆盡南豐以

不信為非其言誠是東坡之見亦佳至以則圖為則旋  
毛而畫出河圖之圓星則仍是歐陽之見耳洛書非以  
作範詳見後解至於河圖洛書先天四圖文王一圖邵  
子最先發之朱子因而收入本義則朱子之有功于周  
易大矣




章本清曰河圖陽生于正北長于正東盛于正南極于  
正西陰生于正南長于正西極于正北終于正東縱觀  
則陽生陰中陰生陽中橫觀則一九太陽居西北二八

少陽居東南以西則九分為二七以南則二七合為九此河圖之相生而未始不相剋也

煦按生長之說最合河圖正義相生相剋亦誤襲先儒九分二七二七合九之說此蓋七九易位之理言于洛書中可也金以利為性利則必分易九而為二七所以象其分也火以融物為性融則必合易二七而為九所以象其合也

九六圖說

煦按九六者乾坤之二用陰陽之合德也其原皆出於  
圖書圖書之參其五也書之縱橫十五皆九六之合也  
在圖書則九六全用者也故其數皆十五在卦爻用九  
則不用六用六則不用九皆參于其十五而定之者也  
天下萬事萬物不離陰陽六十二卦皆乾坤二體交索  
而成則九六之大用著矣

象 六 明		三 陰 陽
	是 兩 六 亦 其 九	

乾用九而九乃為離所居則六可以識大明終始天德  
 不為首之義焉坤用六而六乃為乾所居則九可以識  
 大終之義焉



王氏似鶴曰上圖第一層乃八卦順布之序也卦之本數在下五層凡上畫奇者數皆一三五七九偶者數皆二四六八十除十不用只用零數各得其卦之本數而止無犯重者如第二層乾下取九字坤下取六字第三層坎下取二字第四層震下取八字艮下取一字第五層兌下取四字巽下取七字第六層離下取三字合而觀之則乾九坤六并列于上而震八巽七兌四離三坎二艮一鴈行于下且乾坤平對艮



兌斜對坎離斜對震巽斜對未或泰焉當知卦數不  
外乎位序矣下圖即從上圖衍出因坤之四十八而  
起乾之四十九以至坤之九十六而終焉此圖之四  
維皆乾九坤六而六子之序與上圖無異則卦數豈  
可移易哉且演必六位者六位成章也乾起四十九  
者大衍之策也終于坤之九十六者陽九陰六之會  
也此圖包涵甚深不止為卦數取證也

以圖數推卦數先儒所見互異此與邵子亦不同

邵子用圖之連數此用合數也

周易函書約存卷一

欽定四庫全書

周易函書約存卷二

禮部侍郎胡煦撰

原圖

先天後天

總義

天賦物以形而其妙在性天顯道以圖而其妙在理天  
別圖以數而其妙在分合連斷聖人則天為圖而其妙  
在中此彰往察來微顯闡幽之奧府當名辨物正言決  
辭之所自來也

伏羲述天文王周公述伏羲孔子表章圖書經理卦爻  
述三聖以述天標至道之大原明天人之致一也河圖  
洛書天地自然之易昭于象數而已比而觀之各有妙  
義存焉河圖靜而洛書動河圖合而洛書分河圖先天  
而洛書後天河圖其蘊含洛書其布散也河圖配未發  
之中洛書配已發之和伏羲則以畫卦故先天八卦圓  
圖亦內靜而外動內合而外分內則圖外則書也因此  
一圖兼則河洛而先天後天之旨備具無遺故有先天

圖不煩更立後天圖也因知先天八卦一圖是動與靜  
同實內與外同歸分與合同原而執中一貫之道遂由  
此出蓋天地之氣周流不息有舒有歛有聚有散有隱  
有彰皆未始出天地之外一動一靜一闔一闢盡之矣  
此所由引外于內貫顯于微究不得岐為二道職是故  
耳其藏諸用也有藏藏者雖至靜之中渺無可窺而萬  
理靜涵渾淪無欠逮及御天之六龍乘時而奮旋出旋  
給而莫之或窮孔子所由有察來微顯之說此河圖中

央所具之妙伏羲則之而存為虛中者是也其顯諸仁者有顯顯者其呈露之象非可名狀而性命各正保合太和資始之一元幽潛無朕莫載莫破而植之根也孔子所由有彰往闡幽之說此洛書四方所具之妙而每加一倍者是也其內至精其外至變渾內外而一之流通不測而又且至神先天一圖實兼有之故此四圖必以小圓為主大圓則小圓之重也小橫大橫則東西拆之明始終之序別多寡之數以顯加一倍之法者也陰

陽之生悉由中起方圖圓圖莫不如是入方圖于圓圖  
中明圓圖中天地定位原具相交之義故寓其象于方  
圖以明萬物之生俱由天地相交而始然此猶在方交  
時非若既交而其體已成故亦附于先天而圓圖之可  
拆為卦已于此肇矣何也是已將六十四卦裁為八段  
比諸八卦小圓圖固已開為八卦此不之分伏羲之  
用意遠矣

河洛二圖已見卷首

先天河圖無拆法

繫辭曰河出圖洛出書聖人則之則之者則此二圖蘊含之妙用以畫卦作易也當河圖初出時尚未有奇偶之畫安所得八卦而比象其數以拆之河圖既屬先天正在渾淪無朕合而未分之際非如後天洛書生成之數既已相離遂有定位可指若河圖可拆便成後天安得仍稱為先天乎彼洛書之數固拆河圖而始有者也既分圖為先天書為後天經四聖人考訂從無拆圖之



說乃欲別創一說以拆河圖俾成散布之形不且成兩  
洛書乎恐聖人考訂時不應獨遺此一法俟後人之拆  
而補也想其初拆時或因洛書之數實與文王八卦相  
符而六乾一坎八艮之數施之于占用之于術又且各  
有奇驗謂河圖之數不得與先天卦位相配決無是理  
及觀義圖艮居西北坤居正北此所以有拆一居西北  
為艮拆六居正北為坤之說又見洛書一仍本位而拆  
去其六故此則六仍本位而拆去其一使不與洛書犯

重乃又曲為之說以附之因欲比象洛書故不憚異其數而拆之夫河圖之數生內而成外者蓋為天下之物皆所生之理在內而既成之形始在外也今將生數拆而移之猥云達生理者乎內無生理彼外焉之所成資何具乎末知後天八卦比象洛書其于洛書本象原未嘗移易絲毫今欲以河圖團聚之象比擬洛書則不能無待于拆是河圖之本象合而未分今則分而不合猶得為本來之河圖乎即其指一為艮必一實具艮卦之

理乃可不然亦必有艮之理驗于人事乃可指六為坤  
必六實具坤卦之義乃可不然亦必有坤之理驗于人  
事乃可乃皆不其然安在一為艮而六為坤乎夫一在  
義圖固乾數也六在義圖固坎數也既已比合義圖而  
拆之乃又與義圖之數卦卦相違可乎不可且一固數  
首也太極之象萬理之聚也今用以配艮安在艮卦遂  
足以總諸數象太極該萬理乎至若先天八卦原係伏  
義熟玩河洛二圖知其義理蘊蓄無窮因奇耦而畫出

兩儀因四方而畫出四象因四方所合而畫出八卦因  
生內而成外而別為先天後天其左右上下之位始終  
微盛之幾無妙不與河洛二圖相準顧乃徒向數中糾  
纏不幾採糟粕而棄精華乎烏知天地定位山澤通氣  
雷風相薄水火不相射其理其象自具河圖原非一數  
可盡謂拆之者是乎非乎玩河圖者須向合處留心觀  
于成數各附所生之數而不移是即人心未發之中後  
來無窮作用所能成者早于靜涵之地蘊此生機渾然

全具之矣其生數各附所成之數是即萬物各得所資而胥保各正之太和也能成之妙即能生之理所由行能生之幾即能成之用所由著故合而不分也又其四成在外四生在內與中五相附仍是全體未發喜怒哀樂渾然悉備之象所以邵子指為先天若先天而可拆也將未發之中而亦可拆為喜怒哀樂乎甚矣其陋也王氏無異曰洪荒之世楮墨未具何有黑白之分以白為陽黑為陰昉自朱子蓋因周子太極圖黑白成章而

然也陳季立畫義圖兼有朱墨畫文圖純用奇偶謂義  
畫不聯不可為圖文畫不斷不可為卦圖聯其渾欸卦  
顯其對待故畫文圖以奇偶便于斷而畫義圖必用朱  
墨便于聯也照按義連而文斷其說最當其黑白之分  
當即始于伏羲蓋因伏羲初畫圓圖本未拆而為卦其  
最先所畫原以兩畫象兩儀其陰陽之畫未嘗斷而為  
三非別以二色何由有兩儀之辨至後三易開圖為卦  
止用鉛槧刻于簡策仍未有楮墨也特欲以一色分別

陰陽則非聯斷不可睽眚于數之奇斷眚于數之偶也  
今人得見義圖因有文王周易在也然周易之圖實文  
王作易之圖非伏羲本圖也是文王開圖作易而別立  
一法者也故予有拆先天圖乃文王作易之圖睽先天  
圖則伏羲初畫之本圖其說詳下

何由知開而為卦為文王之圖也下繫第六章云其稱  
名也雜而不越于稽其類其衰世之意耶既常稽考義  
類知稱名為衰世之意則伏羲時卦未有名槩可識矣

下節彰往八字便是說先天圖彰往者言圖之在外者也外卦為往彰之為言即其上易知之說易知故以為彰察來者言圖之在內者也內卦為來察之為言即其初難知之說難知故有待于察微顯則引外而入內而欲其來之察也闡幽則推內而出外而示其往之彰也上四字劈分內外見內外之各不相侔故中用而字一轉下四字合言內外見內外之彼此相資因一言合一言分故上又用而字一轉總因先天四圖便為伏羲之



易而其中大圓又具內合外分中外流通之旨則是四圖之妙總具大圓故非如此形容不能極盡此圖之妙下曰開而當名辨物開謂開義圖而為卦此方是說文王之易其當名下八字則周易中所有之妙全具而無缺矣所以謂之為備當名者當其陰陽純雜上下微盛之體而命之以名辨物者辨其陰陽純雜內外多寡之體而象之以物正其言則元亨利貞之辭是也決其辭則利害吉凶之說是也因彰往八字全說渾淪未動之

圖當名八字全說周易之妙故其中用開字一轉便知  
開之一字止是開圖因知文王易卦非文王所畫特本  
伏羲大圓開而為卦亦斷可識矣因開圖之後方始說  
到當名則伏羲之圖原未曾開並未有名亦斷可識矣  
既不知上八字為是言圖則易中之卦何由知是先天  
易中卦辭爻辭何由知是解先天者乎今觀彖辭往來  
內外進退上下均為圖言也乃不知者直目為卦變今  
觀係傳其上易知其初難知均為圖言也乃不知者直

以為論又不知伏羲開天明道小圖止一十四畫大圖止一百二十八畫約四圖共得二百八十四畫而先天所蘊經後聖極力推求終難盡闡可知開圖作易乃後聖之事安得遽謂伏羲所畫為既開既名者乎因開圖之後方始當名乃即其所稱之名稽其稱名之類安得竟謂伏羲為衰世乎知稱名之必屬衰世則知開而當名必非伏羲觀于繫傳危微始作八卦不云始作六十四卦則以大圓之未開故也或曰既云始作八卦則小


圓亦已開矣而必謂大圓之未開何也曰小圓之開即見于橫圖之八象比較大圓中方圖之八層是也乃小圓圖雖止八象而萬事萬物之理已備然天地不交其蘊不可得而闡也因又上下倒置列為方圖納于圓圖中示人以相交之旨當其始畫時尚無鉛槧筆墨之具又且未有文字特設四圖以闡天人之妙契傳聖人之心法其精微全在合處即令小圓為伏羲所開要其初畫時畢竟兩儀止于兩畫四象止于四畫八卦止于八

畫者為最初所畫所由謂伏羲之圖大王之卦萬萬不  
可混淆者此也孔子以稱名為衰世之意自非論世以  
稽類烏得而辨之

其補伏羲之大小二圓圖及連拆先天諸圖悉見卷首



# 先天圖中之方圖



方圓形氣

水火始於氣而木金土終於形雷風始於氣而山澤終於形凡形之所成悉由氣始生數居成數之先水火居五行之先皆氣始而形終先天方圖納諸圓圖中者圓圖示能交之理方圖示已交之象圓圖渾淪周匝無所倚著方圖坤上乾下示交象也其施化布散止而不動明生生之理於此一交托始耳震巽居中全以氣用象人心之虛也坎離半氣半形者次之象血氣之周流也



艮兌在外全以形用以象手足背腹此與圓圖太極居中兩儀附之四象八卦以次而外出莫非中虛外實中氣外形之理故皆命為先天而納諸圓圖中先儒或欲取而出之未知方圖之註脚與圓圖同義矣陰陽既已相交則必形為四象而有剛柔太少之殊故方之而四正四隅則所以象之也予天根詩云裏面包含天有首外邊營固地無疆皆氣中形外之旨今觀野狐常有更靈于人者皆氣固于中不隨形滅之妙天地間萬事萬

物悉由天地而生而地實包于天中今方納圓中即其象也聖人立法即此位置方圓何非兩間至理然此圖猶在方交之始雖已具有形象不可竟作有形象看故必納諸圓圖明其為先天耳亦如天地絪縕既為生陰生陽之太極而男女構精遂為含生有覺各稟陰陽之太極也

十散五不散

河圖五十居中洛書獨缺十數非缺也明十為成數之

總今已散處四方故對待取之合成四十以見其各有  
所成耳曰洛書既為後天十數既已散矣五數何為不  
散曰五者生氣之靜涵者也萬物之成必有能生者以  
為之根如所云保合之太和是也生機若散先已無主  
何由有成故生數必無可散之理亦如河圖既為先天  
萬物胥資以始安復有可拆之法耶洛書對待莫非十  
數亦猶伏羲先天八卦對待莫非乾坤莫非十數皆所  
以明相交相合相成相益之旨也

則圖正義

或問河圖與周易相合本旨何如黃葵峰曰河圖者陰陽運行消息之分限節度也聖人之畫橫圖不過以象陰陽消息兩端而已故河圖自東而北而南屬陽而各有一陰一陽相合自南而西而北屬陰而各有一陰一陽相配故聖人畫卦左為陽儀而每各生一陰一陽右為陰儀亦每各生一陰一陽是正則河圖以作易也又八卦既成規而圓之左起震而歷離兌而至乾即一陽

生于北方水而盛于南方火右起巽而歷坎艮而至坤  
即一陰生于南方火而盛于北方水蓋河圖陰陽運行  
之妙盡於此矣

照按此方明則圖作易之法蓋河圖四面所列者四象  
也四方與中五則五行也四方必兼有陰陽則八卦之  
象也夫南北者天地之正位其陰陽之往來升降莫不  
經由東西二道故坎離二卦遂具乾坤合體之象至于  
生數之外附以成數則以其各具中五之生理也中五

具鎮靜之性與土同德故術家以五土居中緣四象之成莫不各由生數而起到得其象既成莫不各含生理所謂保合太和一物各具一太極是也所以成象之後皆能各有所生以生成二義原相合而不相離當生之時而成之之數已全賦焉所由謂為時乘六龍以御天也然皆不離五土以為用是即生機靜涵之地也故萬物莫不生於土而死于土離卦所由曰已日乃孚未有卦象先有圖書卦象所以明流行之氣與對待之位

圖書所列之象則所以定陰陽之位著生成之理明水火之用昭靜涵之體隱以寓陰中有陽陽中有陰與五行生剋之義耳其實洛書火南水北即在河圖亦止是火南水北非以二七即為太陽一六即為太陰也北陰方也而一數居之南陽方也而二數居之是即根陰根陽之理陽生於子由一左上而得三數是即陽之生而盛也陰生于午由二右下而得四數是即陰之生而盛也先天圓圖其陽之生而盛盛而極陰之生而盛盛而

極莫不如是觀置坎離于東西不在盛衰進退之列蓋以東西為乾坤交際之道乃以坎離司之則坎離止為乾坤之交象明矣葵峰所謂一陽生于北方水而盛于南方火一陰生于南方火而盛于北方水是確見奇偶相聯之義也至于洛書之序次一坎始之九離終之除中五與卦無屬而中包六象皆坎離之用與先天橫圖乾始坤終以乾坤包六子相似故文王圓圖準之亦止是天生水坎得代坤而言用之旨



陽極則變

劉雲莊曰圖之一三五七九皆奇數陽也而七九之位獨易者正以天地之間陽動主變故也然陽于北東則不動于西南則互遷者蓋北東陽始生之方西南陽極盛之方陽主進數又必進於極而後變也

熙按陰陽之義進退相循進因退見退因進見如其不退何由能進故一進一退即具陰陽之義所以能窮變通久進至極處則反而易位是即周易中窮則必變極

則必反之義若使不退烏能得久孔子曰尺蠖之屈以求伸也龍蛇之蟄以存身也不有屈者安有伸者予先天圖詩所云退象轉來還是進偶爻劈破復成奇正謂是也

陰陽生成

陽主生陰主成然生數亦有陰

二四也

成數亦有陽者

七九

也所以象陰陽之交也生數陽多陰少而陽包陰于中象陰之交于陽而為陽所裹故象天成數陰多陽少而

陰包陽于中象陽之交於陰而為陰所含故象地凡天下有形有體之物雖云質之具也成于地莫不各含保合之太和以自有其生若所得之生氣既盡則其物亦歸于無有凡皆陽附于陰為陰所籍而始成其體故于成數象之卦之論文但稱九六亦言其爻之成體者而已若所由以生之始其形未肇亦烏得而言之象天故生之始終皆陽也一五而陰不先陽以生象地故成之始終皆陰也六十而陽不先陰以成

圖書與周易相關說

河出圖洛出書二圖若或相背是天地有二道矣今謂伏羲先天四圖原本則圖所畫未有不以為然者及其註釋先天四圖曾無一語通于圖書竟似伏羲之圖分外杜撰出來則是并未聞聖人則之之說則是並未將此四圖關會圖書一一勘合過也今謂文王作易之卦原本伏羲所畫未有不以為然者及其解釋卦辭彖辭曾無一語回顧義圖竟似周易之卦皆屬文王杜撰出

來則是并未知先天諸圖之妙則是并未知文王卦辭  
孔子彖辭莫非闡發義圖者也今謂周公之文即出于  
文王之卦未有不以為然者及其註釋爻象即卦而解  
之者半離卦而解之者亦復有半即如坎之六四解為  
臣之遇君因其明而導之此等道理與坎何涉夫坎之  
彖傳象傳固未有君臣之象也豈知此爻之位實居內  
坎之外外坎之初正屬兩坎相接故孔子有剛柔際也  
之語總緣水性外陰其體似柔而水性內剛原具流通

四達之理但得絲毫罅隙便可以漸引漸潤若蟻穴潰  
隄者然也所以有納約自牖之象此小象所由曰剛柔  
際也夫酒食禮樂固交接之具也情所可通原不在禮  
文極盛故有納約之象樽之酒簋之貳缶之用皆納約  
象也然一言之契如水乳交融而生平締好由此而定  
故又有自牖之象牖也者通之至也約言少牖言大也  
總緣兩坎相隔本有界限業至兩坎相接則所以相通  
之故原不在多故以納約自牖象之方顯出剛柔相際

之妙孔子深達其旨故以坎之本義釋之其曰維心亨以剛中者正在此爻今謂君臣之交為剛柔之際則剛者何屬柔者何指乎豈反謂導君之臣為剛而君為柔乎爻之命辭真理具在象中務必參合卦情始為得解若但全言人事竟置卦體不論則何爻不可以臆說而必定為某卦之某爻又何為乎如此而釋爻象則是并未知周公之爻原未嘗離文王之卦也若知爻本于卦卦本于圖圖本于河圖洛書則自圖書以訖卦爻一以

貫之不難矣此予所由謂全部周易皆屬先天職此之故也



易象圖說內篇中原卦畫一


以下張理定

此為太極生兩儀之象

易本無乾坤止有此一一


張仲純曰聖人仰觀俯察受河圖則而畫卦則天。以畫一則地。以畫一名一曰奇為陽名一曰偶為陰此上奇下偶者天地之定位中爻者天地氣交四象八卦萬物化生之本

天 地 設 位



# 乾 坤 成 列

卦畫二




此為兩儀生四象之象

易本無八卦止有此乾坤

張仲純曰朱子云陽儀生奇為太陽生偶為少陰陰儀生奇為少陽生偶為太陰舊圖四象平布生生不息今圖陽儀下生一奇一偶為陰陽陰儀上生一奇一偶為剛柔四象周轉循環不窮剛交於陰陰交於剛陽交於柔柔交於陽上下左右相交而萬物生焉周子曰陽變陰合而生水火木金土五氣順布四時行焉傳曰立天之道曰陰與陽立地之道曰柔與剛此之謂也照按真知易理者無往不與易合不知易理者強拆而強補之亦終扞格而已矣此圖止乾坤兩卦一合便成四象而八卦之象已具

卦畫三

八卦成列



此為四象生八卦之象  
 張仲純曰易本無六  
 十四卦止有此八卦  
 照曰上為天四象下為  
 地四象上下合之有天  
 地定位之理有上下渾  
 合之機

右四象陽下交於柔柔上交於陽而成乾坤

天地定位 艮兌

山澤通氣

剛上交於陰陰下交於剛而成震巽

雷風相薄

坎離 水火不相

射天秉陽垂日星

離為日 兌為星

在天者仰而反觀故乾兌離

震天之四象自上而下生地秉陰竅山川

艮為山  
坎為川在地

者俯而順察故坤艮坎巽地之四象自下而上生八卦  
交錯上者交左下者交右則乾南坤北離東坎西而先  
天八卦圓圖之象著矣震艮互觀反震為艮反艮為震  
則乾坤艮巽居隅坎離震兌居中而後天八卦方圖之  
象著矣由動靜相資先後互體圓方變用而天地造化  
之義不可勝既矣邵子曰乾坤為大父母復姤為小父  
母夫易根於乾坤而生於姤復蓋剛交柔而為復柔交

剛而為姤自茲而無窮矣

又曰八卦之象不易者四

乾坤  
坎離


反易者二

震反為艮  
兌反為巽以

六變而成八也

先天八卦對待圖

卦畫四



照曰○所以象太  
極也○所以象兩  
儀也○其左右之  
象日月出入之門  
也○外左則天之  
外右則地之象也  
此亦先天八卦小  
圖從而拆之縱橫  
連之以觀其畫圖  
之妙耳○古今何  
無解人

右本四象生八卦圖陽儀上者交於左陰儀下者交於右而成此圖康節先生云坤北乾南離東坎西震東北兌東南巽西南艮西北者指此而言其中○者太極也○者二儀也前象奇偶定上下之位由天地四象八卦總之而會於中所謂歛之不盈一握萬殊而一本也此圖陰陽列左右之門由動靜四時八方推之而達於外所謂放之則彌六合一本而萬殊也煦曰此即予內分外合之說然止是伏羲先天小圖邵子兩儀四象八卦

以次而倍加之說也


煦曰邵子云天有四象地有四象前圖上下合之以象天地定位此圖左右列之以象坎離交姤而中存太極所以象由中出外之妙也太極生兩儀不必兩其太極也兩儀生四象不必兩其兩儀也四象生八卦不必兩其四象也此圖倣之故即以太極入兩儀之中而成八卦之初爻以兩儀入四象之中而成卦之二爻以四象入八卦之中而成卦之三爻人見其



借用之奇未免驚心眩目不知止是伏羲小圓圖中  
加一倍法特將兩儀四象縮而小之遂有如是之妙  
耳周易之理若果貫通縱橫直豎無往不可都緣學  
易者以伏羲小圓圖僅作八卦看遂不解此圖之妙  
寧謂周邵之外無人乎若或未然拆之補之適見紛  
擾耳

象數五

九宮之圖



煦按陽順用三參天  
也陰逆用二兩地也  
七者陽數之餘八者  
偶數之餘故一順一  
逆無不合也

張仲純曰右×十中交九宮之敘即洛書之數也一三  
九七天數也天數奇奇之象圓參於三其數左旋始於  
一居於正北一三如三故三次於正東三三如九故九  
次於正南三九二十七故七次於正西三七二十一而  
復於一二四八六地數也地數偶偶之象方兩於二其  
數右轉起於西南二二如四故四次於東南二四如八  
故八次於東北二八十六故六次於西北二六十二而  
歸於二此陰陽左右運行自然之妙而二七四九易位

與河圖不同者也內經曰天數始於一終於九焉一者

天二者地三者人三而成天三而成地三而成人三而

三之合則為九九分為九野正北曰冀州今大都燕南河間平陽等

路正東曰青州今益都沂密登萊等州正南曰揚州今兩淮兩浙江東江西甌

關等處正西曰梁州今川屬雲姚等處正中曰豫州今河南襄陽等處東

北曰兗州今濟南東平東昌濟寧等處東南曰徐州今徐邳宿亳等州西南

曰荊州今荊潭湖廣等處西北曰雍州今陝西甘肅等處是故神禹別

之而作貢箕子衍之而叙疇他如運氣太乙陰陽醫家

者流雖純駁不同要皆不出此九宮之數也

右圖一三五七九而兩儀四象八卦在其中矣陽唱而陰和陽實而陰虛儀雖兩而實三象雖四而實五卦雖八而實九於以見天地間非陽不生非陰不成造化自然之本原也

照按此圖深契洛書之旨奇圓而偶方奇外而偶內與伏羲大圓圖內合外分內靜外動者相同奇以三乘參天之義也偶以二乘兩地之義也陽之奇數順

而順生自一而三是也陽之成數順而逆生自九而  
七是也陰之生數逆而順生自二而四是也陰之成  
數逆而逆生自八而六是也洛書之合於天道皆自  
然而然不容勉強者也如以陽數逆而乘之則三之  
除也為七便自七而始七七四十九故九居南七九  
六十三故三居東三七二十一故一居北一七如七  
故七居西如以陰數順而乘之則二之除也為八便  
自八而始八八六十四故四居東南四八三十二故

二居西南二八一十六故六居西北六八四十八故  
八居東北一順一逆無數不合此洛書之所以妙也  
豈獨對待成十與縱橫十五哉如以四隅之數但各  
配以中之五數而轉矣如以四正之數接轉四隅之  
數但以八乘而轉矣

河洛合而觀象之法立圖書合而先天之四圖成矣  
圖書者天地自然之道也須全看先天四圖伏羲開天  
之道也須内外分看又須内外合看元亨利貞文王之

道也須分四德看又須連四德看用九无首周公之道也須在既亨以後看又須在未亨以前看十翼之傳孔子之道也須識用之何以藏仁之何以顯不可只作著法看不可只作占卜看但知天人合一顯微無間之妙方知為聖人傳道之書


伏羲既有先天一圖而獨少後天一圖緣此四圖內合而外分體立而用行而洛書之理已具也觀後天所用之卦仍取資於先天之圖是卦象之在先天固已兼後



天而有之矣曰若是則後天之圖可以不立而文王何復有後天小圖也因伏羲之圖原從合處起每加一倍漸推漸遠漸擴漸大而至於不可勝窮皆此體立用行由中達外之妙故未開之圖方為伏羲之真易至於文王開圖而為卦象若不設立後天則無以顯先天圖中內外渾融分合互藏之妙孔子十翼要皆發明此旨而已故欲存伏羲之真圖斷當連而屬之以仍其舊若執開而作易之卦認為伏羲之圖便非本圖而伏羲之易

亡矣至於後天為先天之既交而後天又全用先天之卦則文王之設立後天仍然一先天而已

河圖五十生成之象



一  
二  
三  
四  
五  
六  
七  
八  
九  
十

一  
二  
三  
四  
五  
六  
七  
八  
九  
十

大衍之  
三  
春  
火  
生  
寅  
小  
衍  
之


大衍之  
二  
冬  
木  
生  
亥  
小  
衍  
之

張仲純曰傳曰河出圖洛出書聖人則之則者法其象  
與數也數始於一小衍之而成×大衍之而成十×十  
者數之結括而圖書者倚數之大原卦畫之準則也此  
卦縱橫十有×數正則河圖中宮天×乘地十之象其  
中。者易也即圖書中×之中動而陽上同乎天其象  
為。靜而陰下同乎地其象為。天。下生。為陰陽  
地。上生。為柔剛即圖書中×之上下左右

照按後以八卦配言河洛便非則圖畫卦之義今去之

外篇卦爻

上四象八卦  
六位之圖




右圖天之陰陽分而為乾兌離震地之柔剛分而為坤艮坎巽人當其氣交之中頭圓居上得之乾腹虛有容得之坤股肱動作得之震巽離目主視坎耳善聽兌口能言艮鼻處默

耳目口陽也得天之氣故動  
耳鼻陰也得地之氣故靜  
所謂得是氣

而為是形也

此後有德性情禮樂等圖皆與此同今不錄

方圓相生圖



照曰一定之圓乾也一定之方坤也  
一分尚方圓及二分者兌也圓中之  
方離也二分方一分變圓者震也二  
分圓一分變方者巽也方中之圓坎  
也一分尚圓方及二分者艮也以方  
圓為陰陽依橫圖之次序之未免好  
奇之過第其二老在下或別有取也

北艮  
巽 坤  
震 乾  
離 兌

張仲純曰鄭氏云古先天圖揚雄太玄關子明洞極  
魏伯陽參同契邵堯夫皇極經世而已惜乎雄之太  
玄子明之洞極倣易為書泥於文字後世忽之以為  
屋上架屋頭上安頭也伯陽之參同契意在鍛鍊而  
入於術於聖人之道又為異端也堯夫擺去文字小  
衍而著書天下又不顧之但以為律厯之用難矣哉  
四家之學皆出於古先天圖先天圖其易之原乎復  
無文字解註而世亦以為無用之物也今煦作方圓

圖註脚比之四家為最簡最易而四家之意不出于  
吾圖之中于易之學為最要

洛書後天

洛書為河圖之交象乾坤一交而無窮之化源具焉由  
先天生後天由無形生有形皆此一圖之妙藉非此圖  
之分何自而顯河圖之合非此圖之布散有定而為後  
天何自顯河圖之凝聚渾成而為先天知後天洛書即  
出于先天河圖則知天地自然之易體用一如相須而

不悖矣

洛書者河圖既分之象如圖中一六合書中一六分是也分則各居其位各司其職與渾淪圓轉者不同此天地之大體大用不煩卦畫自然之周易也人心之中和莫不如是伏羲擬之畫出先天圖兼天與人而一以貫之矣大玉擬而作易則人心中河圖洛書也故曰周易為天人合一之書

交象



後天者先天既交之象如乾因坤交虛而為離坤因乾交實而成坎左離之上爻交于坎下為兌右坎之下爻交于離上為震震兌之上下兩爻陰陽互交艮巽之兩陰交于兩陽是也交則上下左右相感而互易比于先天八卦另成一象此圖書分合之故先後天不同之由也然震不與巽交艮不與兌交者周易具陰陽相循之妙故兩始必不能驟交兩終必不能驟交也若兌之與震則陰終與陽始得相交巽之與艮陰始與陽終得相

交矣易為身心性命之書凡言交者皆有人力存焉

中交

先天乾南坤北後天離南坎北是乾坤中交也後天之離外象猶乾而中已易矣是坤來交乾而陰居中也後天之坎外象猶坤而中已易矣是乾來交坤而陽居中也交于初末則偏交于中則含胎包孕為化育所自起所由坤卦有含章括囊美在其中的說乾坤二用後坎卦所由獨言用也

中

乾之中爻下交于坤

乾

乾之中爻下交于坤而成坎

交



圖

乾之中爻下交于坤

乾

乾之中爻下交于坤而成坎

逆交

先天離東坎西後天震東兌西者是坎離之逆交也離

性炎上上者不下不可以交今抑其在上者而使下坎

性潤下下者不上不可以交今舉其在下者而使上則

離變為震坎變為兌矣故震有半離兌有半坎之形所  
由謂為坎水而塞其下流也若使順其炎上之性而以  
離下交于坎上順其潤下之性而以坎上交于離下則  
為艮巽艮巽之卦不能有為故先後天皆居四隅不得  
如後天之震兌司日月往來之門戶也

火雷水澤之變

離火而變為震雷者爆之發也先火而後聲也坎水而  
變為兌澤者水之流也過汙下之地則必瀦而為澤也

逆交圖



水性流下必行于  
上始有潤下之功



是離之上爻交于坎之下爻而成兌



火性炎上必伏于  
下始有烹飪之功



是坎之下爻交于離之上爻而成震

四隅交

四正之爻止變一爻四隅之交則變兩爻如巽艮交而  
為乾坤是巽之上二爻變却艮之下二爻而為乾艮之  
下二爻變却巽之上二爻而為坤也震兌交而為艮巽

是震之下一爻變却兌之上一爻震之上一爻變却兌  
之下一爻而使兌變為巽兌之下一爻變却震之上  
一爻兌之上一爻變却震之下一爻而使震變為艮也其  
震巽不交艮兌不交震乃與兌交艮乃與巽交者以陰  
陽之兩始兩終本無相接之理蓋陰終陰始其中必間  
以陽不然不知陰之始終陽終陽始其中必間以陰不  
然不知陽之始終此陰陽之始終所以不自交也至陰  
終陽始陽終陰始本有更迭相續之義故皆得相交伏

義所畫小圖雖止八卦而無窮之妙義具焉故相親有  
相親之義如遇巽逢乾後卷所圖之縫卦是也其見于  
卦爻不言鄰則言遇矣相間之卦見于卦爻必無一卦  
一爻言鄰言遇者也終始有終始之義内外有内外之  
義上下有上下之義非細心體察那易辨此







各右左

# 圖交雙 四隅


圖左陰陽  
交終始



圖右陽陰  
交終始




兌之上爻交于震下兌之下爻交于震上而成艮



震之上爻交于兌下震之下爻交于兌上而成坤


巽上二爻交于艮下而成乾



艮成而上巽于交二下艮


先天未交之河圖

先天之卦如對待者各有一乾一坤之象  
如以爻論亦各具一乾一坤之象蓋已原  
具有相配之理也



先天已交之洛書

此即已交之後天也



坎離代乾坤


乾坤一交即退處西南西北無為之地所以明天開地  
闢以後皆男女構精之作用其天地絪縕之始已不可  
得而懸擬之所以命為先天而乾之用九遂以為無首  
殆于坎離用事六象胥由以成矣其在易曰天地絪縕  
萬物化醇便是天地相交之始便是河圖之妙男女構  
精萬物化生男女即陰陽坎離即陰陽之交構精正陰  
陽相交之事便是洛書之妙此後有形有象何一非水

火交錯而成故全歸功于坎離而謂為構精生萬物也  
後天所配洛書全是化醇以後之事其在周易乾坤二  
用後直至坎象始言時用豈為無因當知代天地而宣  
化者日月即天地之陰陽代乾坤而宣化者坎離即乾  
坤之男女

大玉無後天大圖

伏羲則圖書卦有先天大圖小圖顧獨少後天一圖以  
後天之理即具先天如外分而象洛書是也文王法洛

書安置後天卦位然有後天小圖無後天大圖可知大  
王未嘗畫卦周易所有卦爻皆開義圖而有之故文周  
孔子所係之辭均解釋先天者也其連拆先天諸圖及  
新立二方圖並六卦圖已見卷首



周易函書約存卷二